

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 K 014586 20 K

Novi Travnik: 18.12.2020. godine

### U IME FEDERACIJE BOSNE I HERCEGOVINE !

Kantonalni sud u Novom Travniku, u vijeću sastavljenom od sudija Suade Kahrić, kao predsjednice vijeća, Stane Imamović i Nijaza Krnjić, kao članova vijeća, uz sudjelovanje Slađane Dujo, kao zapisničara, u krivičnom predmetu protiv optuženog Huse Patković, zbog krivičnog „Razbojništvo“ iz člana 289. stav 1., u vezi sa članom 33. Krivičnog zakona Federacije Bosne i Hercegovine, odlučujući po optužnici Kantonalnog tužilaštva Travnik, broj: T06 0 KT 0025132 19 od 15.04.2020. godine, koja je potvrđena odlukom sudije za prethodno saslušanje ovog suda, broj: T06 0 KT 014586 20 Kps od 21.05.2020. godine, nakon održanog ročišta za razmatranje sporazuma o priznanju krivnje i izricanje krivično-pravne sankcije, na kome su bili prisutni kantonalna tužiteljica Nevenka Čorić, optuženi Huso Patković i njegov branitelj Ajdin Zlotrg, advokat iz Travnika, te nakon obavljene vijećanja i glasanja dana 18.12.2020. godine, donio je a predsjednica vijeća u odsutnosti uredno obavještenih stranaka i branitelja, je javno objavila slijedeću:

### PRESUDU

Optuženi:

Huso Patković, sin Omera i majke Šerife rođene Šiljak, rođen 20.06.1973.godine u mjestu Ljubić općina Vitez, nastanjen u mjestu [REDAKCIJA], po nacionalnosti Bošnjak, državljanin BiH, JMBG: [REDAKCIJA], po zanimanju poljoprivrednik, razveden, otac troje mladb. djece, pismen, završio osnovnu školu, vojsku služio u Armiji BiH, vodi se u vojnoj općine Vitez, lošeg imovnog stanja, neosuđivan, nalazio se u pritvoru po rješenju općinskog suda u Travniku, broj: 51 0 K 152594 19 Kpp od 15.02.2019. godine, a pritvor trajao od 14.02.2019. godine, do 14.03.2019. godine,

### KRIV JE

Što je:

Dana 10.02.2019. godine oko 23,00 sati, po prethodnom dogovoru u namjeri pribavljanja protupravne imovinske koristi, Dževad Viković i Elmir Šarić se po dogovoru vozilom „ Opel Astra“, registarskih oznaka T86 029, dovezli u mjesto Krčevine, Općina Vitez do kuće vlasništvo Huse Patković, nakon čega je Huso Patković, po

dogovoru, Dževada Viković i Elmira Šarić odveo i pokazao im kuću vlasništvo oštećenog Srećka Žuljević za kojeg je znao daje starija osoba, da prima mirovinu iz Njemačke, da živi sam, da ima kćerku i da u kući posjeduje veću sumu novca, znajući da će Dževad Viković i Elmir Šarić iste noći silom ući u kuću oštećenog i upotrebom sile od oštećenog oduzeti novac i pristajući na to, nakon čega su Dževad Viković i Elmir Šarić, koji je imao maskirnu kapu na glavi, prišli ulaznim vratima kuće i upotrebom sile lupanjem i guranjem otvorili ulazna vrata kuće i ušli u hodnik, pa kada je oštećeni Srećko Žuljević iz prostorije dnevnog boravka, gdje je gledao TV, čuvši da je nešto grunulo, izišao u hodnik Dževad Viković ga je snažno uhvatio za ruke i ugurao u kuhinju u čošak a zatim izvadio nož i stavljajući oštricu noža na vrat sa strane zaprijetio oštrim glasom da će ga ubiti, da zna da je u Njemačkoj, da živi sa kćerkom, da će mu ubiti kćerku, ako ne dadne pare, a potom ga drškom noža udario u čelo, od kojeg udarca je oštećeni pao na pod, a nakon toga ga je nastavio udarati nogama po glavi i dalje prijeteći da će ga ubiti ako ne kaže gdje je novac, a za to vrijeme Elmir Šarić je po dogovoru po kući prevrtao stvari tražeći novac i kad je novac pronašao u fotelji u dnevnom boravku, isti su oduzeli i prisvojili u iznosu od 1.800 Eura, jedan ručni sat marke "RADO" švicarske proizvodnje, jedan mobilni telefon sa karticom njemačkog operatera, crni kožni novčanik sa novcem u iznosu od 50,00 KM, 20,00 KM iz pepeljare, Njemačku zdravstvena iskaznica i vozačku dozvola, te pet i pol kutija cigareta bijelog dugog Rottmansa, nakon čega su sa oduzetim novcem i stvarima izašli iz kuće i po dogovoru odmah se uputili do kuće Huse Patković kojem su po prethodnom dogovoru za pomaganje u izvršenju djela predali novac u iznosu od 150,00 Eura, a ostatak novca su podijelili tako da je Dževad Viković za sebe zadržao 850,00 Eura, a Elmir Šarić 800,00 Eura,

Čime je počinio krivično djelo „Razbojništvo“ iz člana 289. stav 1., u vezi sa članom 33. Krivičnog zakona Federacije Bosne i Hercegovine,

Na temelju navedene zakonske odredbe, te primjenom odredbi člana 42, 43 i 49 Krivičnog zakona Federacije Bosne i Hercegovine, te primjenom člana 246. stav 4. i 7., i člana 300. Zakona o krivičnom postupku Federacije Bosne i Hercegovine, sud optuženog Husu Patković;

## OSUĐUJE

Na kaznu zatvora u trajanju od 1 (jedne) godine.

Na osnovu člana 212. stav 3. Zakona o krivičnom postupku Federacije Bosne i Hercegovine, sud obavezuje optuženog da oštećenom Srećku Žuljević nadoknadi pričinjenu štetu u iznosu od 150,00 Eur-a i to 100,00 Eura-a koji su oduzeti od optuženog i pohranjeni u ovom sudu po potvrdi o privremenom oduzimanju predmeta PU Travnik, broj: 02/7-2-04-8/19 od 14.02.2019. godine (plava koverta sa novčanicama 2x50,00 Eur-a) i 50,00 Eur-a koji nisu oduzeti od optuženog i isti je obavezan da ih nadoknadi oštećenom, dok se sa viškom imovinsko pravnog zahtjeva za naknadu štete preko dosuđenog iznosa oštećeni Srećko Žuljević upućuje na parnični postupak.

Na temelju člana 202. stav 1., u vezi sa članom 199. stav 1. i 2. tačke g) i h) Zakona o krivičnom postupku Federacije Bosne i Hercegovine, optuženi se obavezuje na izmirenje troškova krivičnog postupka, a visina istih će biti naknadno utvrđena posebnim rješenjem predsjednice raspravnog vijeća.

Zapisničar  
Slađana Dujo

Predsjednica vijeća  
Suada Kahrić